

SAKSPAPIR

Saksnr	Utval	Type	Dato
063/23	Heradsstyret	PS	21.06.2023

Saksbehandlar	ArkivsakID
Hilde Revheim Sture	23/1982

Andre saker/spørsmål

Heradsstyret - 063/23

HS - behandling:

Bjarte Hammer Aarland, KRF, hadde slikt varsla spørsmål vedk. status Omsorg +, det vart svart på i ordientering frå kommunedirektøren. Bjarte Hammer Aarland, KRF, hadde i tillegg slikt spørsmål vedk. pasientreiser: Oppfølgingsspørsmål frå eit tidlegare heradsstyremøte der det vart vist til eit lesarinnlegg i Bygdanytt der Sykehusinnkjøp inviterte seg sjølv til å orienterer politikarane på Osterøy om status i saka som vedkjem pasientreiser, taxi og andre avvik. Fins det konkrete planar om at dei kjem til heradsstyre eller formannskapet og orienterer?

Kommunedirektøren gav slikt svar: Me inviterer Sykehusinnkjøp til orientering om status i heradsstyremøte 20.sept 2023.

Jarle Skeidsvoll, KRF, hadde slikt spørsmål vedk. prestekaien og omgjevnadane på Hamre. Det har lenge vore snakk om at kaien er i dårleg stand og ikkje teneleg til så mange føremål. I forbindelse med den store 1000års markeringa til neste år burde område vore restaurert. Sidan eg er med i styret i Bergen og omland friluftsråd har eg lufta prosjektet for dagleg leiar og styret i BOF som syns at dette er eit interessant tiltak. Dersom dette vert omgjort til eit friluftsområde kan ein søke om statleg sikring som er ei ordning som Miljødirektoratet forvaltar, då vert området låst for allmenn bruk i 45år, dette må avtalast med grunneigar, men området ligg allereie i ei omsynssone og bruken er allereie låst. Me forsøkte å nå søknadsfristen 15.februar, men det var ikkje nok tid. Dersom ein skal sjå på moglegheitane til dette området må ein ha finansiering og fleire gode krefter med oss. Eg blei kontakta av representantar for 1000års komitéen, dei har fått ein arkitekt til å sjå på dette, men prosjektet er ikkje mogleg for dei å løyse på fritida. Dette kan me søkje om til Miljødirektoratet i februar 2024, dette området har stort potensiale til gode for reiselivet, natur og kultur. Kan kommunedirektøren undersøke saka vedk. finansiering og legge fram ei sak for formannskapet tidleg i haust?

AVRØYSTING HANDSAMING AV SAK:

Samrøystes vedteke

Jarle Skreidsvoll, KRF, hadde slikt framlegg til vedtak: Heradstyret ber kommunedirektøren koma tilbake til formannskapet tidleg i haust med plan om korleis «prestakaien», «parken» og området rundt på Hamre kan gjerast i stand innan sommaren 2024 og markeringa av Hamre som kyrkjestad i 1000 år.

Søknad om statleg sikring av kaien og området rundt som friluftsområde i samarbeid med BOF er ei aktuell løysing og kjelde til statleg delfinansiering (Miljødirektoratet).

Regionale, statlege mynde og andre kan òg være kjelder til relevant kunnskap og kapital for å gjennomføre eit prosjekt i samsvar med natur- og kulturverdiane på Hamre.

AVRØYSTING:

Jarle Skeidsvoll, KRF, sitt framlegg vert samrøystes vedteke

HS - vedtak:**VEDTAK I SAK OM PRESTEKAIEN PÅ HAMRE:**

Heradstyret ber kommunedirektøren koma tilbake til formannskapet tidleg i haust med plan om korleis «prestakaien», «parken» og området rundt på Hamre kan gjerast i stand innan sommaren 2024 og markeringa av Hamre som kyrkjestad i 1000 år.

Søknad om statleg sikring av kaien og området rundt som friluftsområde i samarbeid med BOF er ei aktuell løysing og kjelde til statleg delfinansiering (Miljødirektoratet).

Regionale, statlege mynde og andre kan òg være kjelder til relevant kunnskap og kapital for å gjennomføre eit prosjekt i samsvar med natur- og kulturverdiane på Hamre.

Saksopplysningar: